

Kako oporezivati dobit

Smanjenje stope na 10 posto nije velika korist

Povećanjem poreske osnovice opterećenja vlasnika kapitala mogla bi biti veća nego s postojećom stopom od 30 posto

Smanjenje stope poreza na dobit u Federaciji BiH na 10 posto, kako je predviđeno novim zakonom koji se nalazi u parlamentarnoj proceduri, vlasnicima kapitala i poslodavcima moglo bi donijeti manju korist, nego što se misli.

Ovo upozorenje iznijeli su brojni stručnjaci koji se bave porezom, a koji smatraju da bi vlasnici kapitala mogli izdvajati više nego s postojećom stopom od 30 posto.

Gore i strancima

- Nije toliko stvar u stopi, već u poreskoj osnovici. Po postojećem zakonu, iako je stopa na prvi pogled visoka, bilo je brojnih oslobođenja i olakšica. Njih u novom zakonu nema - kaže Izudin Kešetović sa tuzlanskog Ekonomskog fakulteta.

Njegove riječi nalaze potvrdu i u udžbeniku „Finansije“



Jahić: Restrikcije na strani rashoda

prof. dr. Mehmeda Jahića sa Ekonomskog fakulteta u Sarajevu, koji ukazuje na to da s novim zakonom nestaju poreska oslobođenja stranaca, olakšice ako se reinvestira dobit, pa i ulaže u humanitarne svrhe.

- Stvar je opredjeljenja hoće li zakon koji će garantirati



Kešetović: Poreska oslobođenja

javne prihode ili stimulirati poslodavce da ulažu. Niža stopa je ono prvo, a viša ovo drugo. U EU se forsira viša stopa, uz stimulacije - kaže Jahić u izjavi za „Dnevni avaz“.

Manji stimulans

Stručnjaci ističu da je prihod od poreza na dobit, uz stopu od 30 posto, lani u Federaciji iznosio 99 miliona KM. U idućoj godini, i ako stopa bude 10 posto, uz povećanje restrikcija na strani poreske osnovice, mogao bi biti i do 50 posto veći, na štetu poslodavaca koji su se obradovali sniženju stope, ne gledajući rashodovnu stranu.

E. PLEČIĆ

Veći porez u RS i s nižom stopom

Stručnjaci ističu da im za pravo daju i podaci o prihodima od poreza na dobit u RS. Iako imaju stopu od 10 posto, dva puta nižu od postojeće u Federaciji, u ovom entitetu porez na dobit u ukupnim poreskim pri-

hodima učestvuje s oko šest, dok u Federaciji ne prelazi dva posto.

Poslodavci u RS više izdvajaju u kasu prihoda, jer imaju manje poreskih stimulacija i oslobođenja nego u FBiH.

Krediti za godišnje odmore

Tuzla, 06.06.2007. godine
- U stalnom opredjeljenju da zadovolji aktuelne potrebe svojih klijenta, NLB Tuzlanska banka kreirala je kratkoročne kredite za godišnje odmore. Krediti se odobravaju do 5.000 KM, po stopi od 7,99%.

Prema riječima direktora Banke Almira Šahinpašića, posebna pogodnost ove ponude je što klijenti, koji ostvaruju redovna mjesečna primanja posredstvom NLB Tuzlanske banke, kredit mogu dobiti samo uz administrativnu zabranu i ličnu mjenicu.

Pravo na kredit ostvaruju Bh. građani sa stalnim prebivalištem u Bosni i Hercegovini, kreditno sposobni i sa redovnim mjesečnim primanjima.

„Posebno bih istakao da uz brzu i jednostavnu proceduru, klijenti kredit mogu dobiti u roku od 24 sata od dostavljanja potrebne dokumentacije“, rekao je direktor Šahinpašić.

NLB Tuzlanska banka je banka univerzalnog tipa, ko-



ja svojim klijentima u 39 poslovnica diljem Federacije BiH pruža kompletan servis finansijskih usluga. U nizu poslovnih aktivnosti koje provodi, NLB Tuzlanska banka poseban značaj daje razvoju svoje mreže. Kao rezultat ove politike, u toku godine planirano je otvaranje novih poslovnica na području Hercegovacko-nere-

tvljanskog i Zapadno-hercegovačkog kantona.

NLB Tuzlanska banka je članica NLB Grupe, koja posluje u 17 država i ima aktivu od 16 milijardi eura. NLB Grupa je stvorila efikasnu mrežu za pružanje širokog spektra finansijskih usluga i proizvoda i sa 60 članica na 17 tržišta, servisira oko 4 miliona klijenata.

M. D. A.



Sarajevo: Pogon „Argete“ u Binježu

Iz sarajevske kompanije

„Argeta“ pašteta imat će halal certifikat

Direktor Agencije za certificiranje halal kvalitete Amir Sakić i direktor sarajevske „Argete“ Martin Jager potpisali su jučer u Sarajevu Ugovor o halal certificiranju „Argeta“ paštete, javlja Fena.

Ovim ugovorom definirano je da će ugovorne strane zajednički raditi na provedbi zahtjeva halal standarda koji će omogućiti „Argeti“, čiji se pogon nalazi u Bi-

nježu, da plasira svoje proizvode na tržište s oznakom halal i zaštitnim znakom za halal kvalitetu.

„Argetini“ proizvodi su na bh. tržištu prisutni dugi niz godina, a s obzirom na sve češće upite o njihovom halal statusu, te opredjeljenju „Argete“ da udovolji zahtjevima svojih kupaca, potpisan je ovaj ugovor, saopćeno je iz ove kompanije.

SAOPŠTENJE ZA JAVNOST

GLOBAL STEEL HOLDINGS LIMITED
PREUZIMA IVANGRAD RUDNIKE
UGLJA U CRNOJ GORI

01. Juni, 2007.

Global Steel Holdings Limited preuzeo je Ivangrad rudnike uglja u Crnoj Gori.

Rudnici mrkog uglja Ivangrad, koji se nalaze blizu grada Berane, 140 km sjeveroistočno od glavnog grada Podgorice, ima rezerve procijenjene od 150 miliona tona termalnog uglja u rudničkom bazenu. Takođe posjeduju fabriku separacije i pranja uglja, u okviru rudnika, koji može proizvesti oprani i ugalj različitih granulacija (veličina).

Global Steel planira da investira oko 600 miliona USD u rehabilitaciju postojećih rudnika i razvoj 6 novih rudnika i postrojenja za pranje, kao i povećanje kapaciteta na 3 miliona tona uglja godišnje.

Global Steel takođe predlaže izgradnju termoelektrane kapaciteta 500 MW na osnovu ovog uglja sa investicijom od 500 miliona USD, poslije rehabilitacije, razvoja i povećanja kapaciteta rudnika.

Ovo je peti po redu smion poduhvat Global Steela na Balkanu, pošto je skoro preuzeo Magnohrom, tvornicu vatrostalnih materijala u Srbiji, Liamkos Steel na Kosovu, Kremikovtzi Steel u Bugarskoj i koksnu kompaniju GIKIL u Bosni. Global Steel takođe upravlja i rukovodi velikim kapacitetom termoelektrana u Bugarskoj i Nigeriji.

Global Steel rukovodi i upravlja proizvodnjom čelika kapaciteta 14 miliona tona i udruženih poslova u rudarstvu, energiji i logistici u raznim dijelovima svijeta. Global Steel rukovodi i upravlja kapacitetima obrade i proizvodnje čelika kroz vlasništvo ili kontrolu uprave u Bugarskoj (Kremikovtzi Corp), Nigeriji (Delta Steel i Ajaokuta Steel Company), Libiji, Filipinima (Global Steel Philippines) i Indiji (Ispat Industries Limited). Global Steel je angažovan u rudnicima željezne rude, uglja, kroma, obradi ferro legura, čeličnih rolni, u raznim zemljama.